

Siunnersuummut nassuiaatit

Nassuiaatit nalinginnaasut

1. Allaqqaasiut

Siunnersuummi qarasaasiakkut kiffartuussisarfikkoortumik attaveqarnermik suliaqartup paasissutissiinissamut pisussaaffia kiisalu nioqqutissanik kiffartuussinernillu nioqquteqartup kiisalu tiguisup akornanni akissarsiat imarineqarput. Siunnersuut avitseqatigiilluni aningaasaqarnerup iluani akileraarutunik eqqortumik akiliisarnissap pitsanngorsarnissaanut kissaateqarneruvoq. Illuummik attartortitsineq siunnersuummut ilaangilaq, immikkoortoq tamanna inatsimmi § 33 e-mi aalajangersarneqareemat.

Avitseqatigiilluni aningaasaqarneq pillugu suliaqarfik sukkasuumik ineriartorfiuvoq. Avitseqatigiilluni aningaasaqarneq aningaasaqarnermi avitseqatigiinnerit arlalinnut, soorlu inuup pigisaanik nalilinnik, allanut akiliisitsilluni atukkiussisarnermut tunngavoq.

Arlalitsigut nioqquteqartup kiisalu pisisartup akornanni attaveqatigiinnermi pingajuani, qarasaasiakkut attaveqarfimmik atugassiisumit akunnermiliunneqartarpoq. Pisisartoq inuinnaasinnaavoq imaluunniit suliffeqarfiusinnaalluni.

Avitseqatigiilluni aningaasaqarnermi suliaqartut arlalippassuartigut niuerfinni, aamma nalinginnaasumik kiisalu inuussutissarsiorlut suliaqarfiini suliaqartarput. Taamaasilluni akileraartarnikkut nioqquteqartunik qarasaasiakkut attaveqarfik aqutugalugu attartuititsisartut/tuniniaasartut imaluunniit nioqquteqartartut niuertarfiit assigisaalluunniit aqutugalugit attartuititsisartut/tuniniaasartut akornanni assigiinngissuteqartoqanngilaq.

Avitseqatigiilluni aningaasaqarnermi sammisat nalinginnaasumik akileraartarnermi malittarisassanut ilaapput. Qarasaasiakkut attaveqarfik aqutugalugu attartortitsisoq imaluunniit tunisisoq akileraartartut allat assigalugit nammineq isertitat pillugit paasissutissanik eqqortunik tamakkiisunillu akileraartarnermi ingerlatsivimmut tunniussisassaaq. Akileraartussaataasup aamma ukiumoortumik nammineq nalunaarsuinermit atatillugu isertitat akileraartussat akileraartarnermi ingerlatsivimmut paasissutissiissutigissavai.

Akileraartarnermut ingerlatsiviup akileraartussaataasunit paasissutissat tigusartagai ilanngullugit, akileraartarnermut ingerlatsivik ukiut tamaasa aamma avataanit paasissutissanik pisarpoq. Akileraaruserinermik ingerlatsineq pillugu Inatsisartut inatsisaanni kapitali 6-imi malittarisassat, allat avataaneersut arlallit peqquneqaratik innuttaasunut allanut kiisalu suliffeqarfiit akileraarutitigut atorfeqartitsineri pillugit isumaqartunik akileraartarnermi ingerlatsivimmut paasissutissanik tunniussisassasut allaqqavoq. Ilaatigut sulisitsisut sulisut pillugit paasissutissanik arlalinnik, soorlu aningaaseriviit sullitatik pillugit paasissutissanik

tunniussisarnerattut akileraartarnermi ingerlatsivimmut tunniussisarput. Tamatuma saniatigut akileraartarnermut ingerlatsiviup, akileraartussaataitaasup akileraartussaataitanini naammassisimaneraa pillugu nakkutilliinermi avataaneersut allanit paasissutissanik aallersinnaaneq periarfissaraa.

Avitseqatigiilluni aningaasaqarnermi nalinginnaasumik inuinnaat, immikkoortup iluani suliffigisaminni akileraartarnermut malittarisassanik killilimmik ilisimasaqartarput. Amerlasuunut suliffiup nalinginnaasup il.il. saniatigut suliaqarneq pineqartarpoq. Inuit allanut suliaq inuussutissarsiutitut annertussuseqarsinnaavoq. Tuniniaasup aamma pisisartup akornanni attaveqaataasumut kiisalu illuatungeriit akornanni akiliutinik suliaqartartup ukiumoortumik paasissutissanik pisariaqartunik akileraartarnermi ingerlatsivimmut nalunaaruteqartarnissaanut pisussaaffilerneqarneranik akileraartarnermi inissiinerit kukkuneqartut pilernissaanut aarlerinaat annikillisinneqassaaq, soorlu aamma sammisat assigiissaartut assigiimmik akileraarusersorneqartarnissaat qulakkeerneqassalluni. Nalunaaruteqarnissamut pisussaaffik aamma akileraartussaataitaasup akileraarneranut oqilisaaqataassaaq.

2. Siunnersuummi immikkoortut pingaarnertit

Qarasaasiakkut kiffartuussisarfikkoortumik nioqqutissanik sullissinernillu akunnermiliuttoq, suut ingerlateqqinneqarsimanersut kiisalu tiguisup akissarsiai pillugit paasissutissanik akileraartarnermi ingerlatsivimmut tunniussisassasoq siunnersuutigineqarpoq.

Nalunaaruteqarnissamut pisussaaffik avataaneersut allanut, nuussinerit naammassineqarsimaneranik, matuma ataani kiffartuussinerup imarisaa pillugu kiisalu akissarsiamik akiliineq pillugu paasissutissanik imaqartumik paasissutissaateqartunut killilerneqassasoq siunnersuutigineqarpoq.

Siunnersuummut qarasaasiakkut kiffartuussisarfiit, nioqquteqartup kiisalu pisisartup akornanni attaveqatigiinnermik akunnermiliuttartut kiisalu nioqqutinik kiffartuussinernillu akiliinernik akunnermiliuttartut ilaapput. Nalunaaruteqarnissamut pisussaaffik, ingerlatitseqqinneq nioqquteqartup A-p aamma pisisartup B-p akornanni attaveqarnermik kiisalu B-p A-mut akiliineranik pisunik imaqarsimappat atuuppoq. Nalunaaruteqarnissamut pisussaaffik aamma, akunnermiliunnermik nioqquteqartup A-p aamma pisisartup B-p akornanni attaveqatigiinnermik imaqarsimappat kiisalu B nioqqummut imaluunniit kiffartuussinermi tunniunneqartoq C-mut akiliisimappat atuuppoq.

Siunnersuut, qarasaasiakkut kiffartuussinerup akiliinerit ingerlateqqissimangippagit atuutinnngilaq. Qarasaasiakkut allagarsiiviit taamaattumik, illuatungeriit akornanni akiliinerit ingerlateqqissimangippagit nalunaaruteqarnissamik pisussaaffimmut ilaangillat.

Kiffartuussisarfikkoortut Kalaallit Nunaanniinngitsut nalunaaruteqarnissamik pisussaaffimmut ilaangillat, Kalaallit Nunaanni inatsisit suliffeqarfinnut Kalaallit Nunaata

avataaniittunut atuutsinneqarnissaat tamatumani periarfissaanngimmat. OECD-mili nunat akornanni paasissutissat taamaattut agguaanneqartarnissaat pillugit nunani tamalaani suleqatigiinnerup annertusarnissaa maannakkut isumaliutersuutigineqarpoq.

Siunnersuutip akileraartussaasumut kiisalu akileraartarnermik ingerlatsivimmut akileraaruteqartarnerup pitsaaneruserumik ingerlanissaanut qulakkeerinneqataassaaq. Peqatigitillugu assigiimmik sullissinnermut, naligiinneruserumik unammilleqatigiinnermi atugassarititaasunik tapersersueqataassaaq kiisalu akileraannginnissamik pinaveersaartitsinnermut sunneeqataassalluni. Siunnersuutip taamaasilluni, nioqutissianik pineqartunik nalinginnaasumik tuniniaasartut qarasaasiakkut kiffartuussisarfinnut unammillernermit ajorneruserumik inissinnginnissaat qulakkiissavaa.

Siunnersuutip akileraartussaataitaasunut akileraartussaataitaneq annertuneruserumik nassatarissanngilaa. Akileraartarnermut ingerlatsiviup isertitat akileraaruteqartussaanngitsut pineqartut nalilerpagu, soorlu akileraaruteqartussaasup nammineerluni pigisaminik tunisinera, isertitat akileraartussaataitanermit, nalunaartussaataitanermit pisussaaffimmik ilaagaluarpataluunniit ilaassanngillat, aningaasarsianit akileraarutit pillugit inatsimmi § 34, nr. 2 takuuk.

3. Pisortanut aningaasaqarnikkut allaffissornikkullu kingunerisassat

Siunnersuut akileraaruserinnermi suliaqarnermik pitsaanerulersitsissaaq. Avataanit nalunaarutiginninnerit pissutsini arlalinni qaffasinneruserumik nalunaarutiginninnermik kiisalu pitsaaneruserumik nalunaarsuisarnermik kinguneqassapput.

Paasissutissiinissamut pisussaaffik nutaaq aaqqiisummik eqqussinnermut atatillugu aningaasartuutit amerlaneruserumik, tamatumunnga ilanngullugu qarasaasianik atortorissaarutit pioreersunik tulluarsaanermit kiisalu paasissutissat tiguneqartut pitsaassusiisa qulakkeernissaannut nassataqassasoq missingerneqarpoq. Nalunaarutiginninnermili qaffasinnerulersitsineq kiisalu qaffasinnerulersitsineq ullumikkut akileraaruserinnermut atatillugu nukissamik atorunnaarsitsissasoq naatsorsuutigineqarpoq.

Ungasinneruserumik isigalugu nunat tamat akornanni paasissutissanik paarlaateqatigiittarnerup annertusiartornera ilutigalugu, aningaasartutit annertusiartornissaat ilimagineqartariaqarpoq.

Akileraarutinit isertitassatut qaffariaasissatut naatsorsuutigisat, ukiuni tulliuttuni akileraarutinit akiliinissanik aalajangiineroreersuni nalornissutigineqartut iluanni ilaareerput. 2023-mut siumullu akileraarutinit isertitassatut missingiutaareersut allanngortinneqarnissaat pisariaqartutut isigineqanngilaq.

Paasissutissiinissamut pisussaaffinnut nutaanut atatillugu aningaasartuutaaneruserumik, tamatumunnga ilanngullugit qarasaasiakkut atortorissaarutit pioreersunik tulluarsaanermit kiisalu pingaartumik eqqussinnermit paasissutissat tiguneqartut pitsaassusaannik

qulakkeerinnissamut atatillugu, 2023-mut kiisalu 2024-mut akissarsiatigut 250.000 kr.-t, kiisalu Akileraartarnermut Aqutsisoqarfimmu IT-kkut aningaasartuutaanerusutigut 250.000 kr.-nik amerlassuseqassasut naatsorsuutigineqarput. Aningaasartuutaanerusut taakku aningaasaliissutaareersunit matussuserneqarsinnaasut naatsorsuutigineqarpoq.

4. Inuussutissarsiornermut aningaasaqarnikkut allaffissornikkullu kingunerisassat

Qarasaasiakkut kiffartuussisarfiit paasissutissiinissamut pisussaaffiat pillugu siunnersuut, nioqquteqartut aamma akissarsiat pillugit paasissutissanik uppernarsaanermut aallernermullu kiisalu akileraartarnermi ingerlatsivimmut nalunaaruteqartarnermut atatillugu allaffissornermut aningaasartuutit amerlinerinik nassataqassasoq naatsorsuutigineqarpoq. Aningaasartuutini apeqquataassapput paasissutissat suut kiffartuussisut maannakkut tigusarneraat.

5. Avatangiisinut, pinngortitamut innutaasullu peqqissusaannut kingunerisassat

Siunnersuut avatangiisinut, pinngortitamut innutaasullu peqqissusaannut kingunerisassaqaqqanngilaq.

6. Innuttaasunut kingunerisassat

Qarasaasiakkut kiffartuussisarfiit paasissutissiinissamut pisussaaffiat pillugu siunnersuut eqqornerusumik akileraarutinik akiliisarnissamut qulakkeerinneqataassaaq.

Paasissutissat aaneqartut siunissami nammineq nalunaarsuivimmi naqitereerneqassapput, tamanna akileraartussaataasumut akileraarutinik isumaginninnermi pisariillisaassasoq naatsorsuutigineqarpoq, kiisalu akileraarutinik eqqornerusumik akiliisarnissamik qulakkeerinnissalluni.

Siunnersuut innuttaasunut allaffissornikkut kingunerisassaqaqqanngilaq.

7. Kingunerisassat allat pingaarutillit

Siunnersuut pingaarutilinnik allanik kingunerisassaqaqqanngilaq.

8. Oqartussaasunik, kattuffinnillu il.il. tusarniaaneq

Siunnersuut 10. juni 2022-mit 8. juli 2022-mut ukunani tusarniaassutigineqarpoq: Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Nunatsinni Advokatit, SIK, Sulisitsisut, BDO, Deloitte, BK Revision, EY Grønland, Grønlands Revisionskontor, Naalakkersuisut Siulittaasuata Naalakkersuisoqarfia, Aatsitassanut Inatsisillu Atuutsinneqarnerannut Naalakkersuisoqarfik, Nunanut Allanut, Inuussutissarsiornermut Niuernermullu Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut Suliffeqarnermullu Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Nunalerinermut, Imminut Pilersornermut, Nukissiutinut Avatangiisinullu

Naalackersuisoqarfik, Ineqarnermut aamma Attaveqaasersuutitut Naalackersuisoqarfik, kiisalu Meeqqanut, Inuusuttunut Ilaqutariinnullu Naalackersuisoqarfik.

Siunnersuutittaaq Naalackersuisut tusarniaavianni saqqumisinneqarnikuvoq www.naalackersuisut.gl.

Tusarniaanermi akissutit naapertuunnerit ilanngunneqarput.

Tusarniaanermut allakkiaq ilanngussaq 2-tut ilanngunneqartoq innersuussutigineqarpoq.

Siunnersuummi aalajangersakkanut ataasiakkaanut oqaaseqaatit*§ 1-imut*

Nr. 1-imut

Imm. 1-imut

Imm. 1-imi aalajangersagaq qarasaasiakkut kiffartuussisarfik aqputigalugu, nioqputissanik kiffartuussinernillu nioqputeqartup kiisalu pisisartup akornanni attaveqarnermik kiisalu akissarsisitsinermik akunnermiliuttartumut akileraartarnermik ingerlatsivimmut paasissutissiinissamik eqqussivoq. Paasissutissiinissaq, nioqputeqartup kiisalu pisisartup akornanni attaveqarnermik akissarsisitsinernillu akunnermiliussimasumut, nioqputeqartup kiisalu pisisartup akornanni nioqputinik kiffartuussinernillu avitseqatigiinnermi nammineq peqataanngitsumut atuuppoq.

Paasissutissiinissamut pisussaaffik akunnermiliuttumut nioqputummik imaluunniit kiffartuussinermik attaveqarnermut kiisalu akissarsianik akunnermiliunnermut tunngasunut killilerneqarpoq. Sullisisoq taanna ataaseq attaveqarnermik kiisalu tamatuminnga akiliinermik akunnermiliunnissaanut piunasaqataannilaq. Kiffartuussisarfiup kiisalu akiliisitsisarfiup akornanni niuernikkut attaveqatigiinneq naammagarpoq. Nalunaaruteqartussaannermuttaaq kiffartuussinermik nioqputeqartup aningaasarsianik tiguisussaana piunasaqataannilaq. Akunnermiliuttup nioqput imaluunniit kiffartuussineq pillugu akunnermiliunneq pillugu attaveqarneq aamma akiliineq akunnermiliuffigaa aalajangiisuusaaq.

Nioqputeqartup kiisalu pisisartup akornanni akissarsianut qarasaasiakkut akileeriaatsit kiisalu qarasaasiakkut aningaasat nalingi, soorlu bitcoin it aamma kryptovalutat allat ilaapput.

Akunnermiliussisup ukiut tamaasa, kiffartuussisarfimmik atuisut, nioqputissanik kiisalu kiffartuussinernik akissarsianik tigusaqartartunut, akileraartarnermut ingerlatsiviup akileraarutissanik eqqortumik inissiisarnissanut paasissutissat pisariaqartut akileraartarnermi ingerlatsivimmut nalunaarutigisassavai. Paasissutissiinissamut pisussaannermi akunnermiliussap imarisaanik, akissarsianik tiguisoq kiisalu akissarsiat annertussusaat pillugu paasissutissat ilaatigut ilaapput.

Paasissutissiinissamut pisussaaffik akissarsianik tiguisumut attuumassuteqarmat, aamma tiguisup aqqa, najugaa, CPR imaluunniit CVR-nr.-a aamma kontonormu, akissarsiat ikineqarfia pillugu paasissutissat ilanngunneqassapput. Akunnermiliuttup uppersaataanut, paasissutissiisusaatitaasup atini kiisalu uppersaat paatsuugassaannigisoq soorlu CVR-nr.-ni atorlugu uppersarnissaa pisariaqarpoq.

Nalunaarutiginninnissami pisussaaffimmut, nioqputeqartup pisisartullu akornanni akunnermiliussisoq akilerneqarsimanersoq imaluunniit akilerneqarsimanniginnersoq

piumasaqaataangilaq. Nioqquteqartup aamma pisisartup akornanni akiliuteqarneq ingerlateqqinneqarsimanersoq imaluunniit ingerlateqqinneqarsimanginnersoq aalajangiisuvoq. Akunermiliussisartup kiffartuussisarfik aqputigalugu imaluunniit akiliisitsisarfik attuumassuteqartoq aqputigalugu nioqquteqartup aamma pisisartup akornanni akissarsianik akunermiliutissanngippat, pineqartoq nalunaaruteqarnissamut pisussaaitaanngilaq.

Akunermiliussisarfik allagarsiivittut taamaallaat atuuppat kiisalu nioqquteqartup kiisalu pisisartup akornanni akunermiliussinermik taamaallaat imaqarpat, nalunaaruteqarnissamut pisussaaffeqanngilaq. Assersuutigalugu nittartakkakkut quppernerit pisisarfiit, tunisisarfiit paarlaaqatigiittarfiilluunniit, inuit attaveqatigiittarfii aqputigalugit allagarsiinikkut inuinnaat pigisaminnik imaluunniit kiffartuussinernik tunisisarfii, attaveqatigiittarfiup nioqqutissat imaluunniit kiffartuussinerit nioqqutigineqartut akunermiliuttarfiini, nittartakkakkut attaveqatigiittarfik nalunaaruteqarnissamut pisussaaitaanngilaq.

Imm. 2-mut

Paasissutissiinissamut pisussaaffik suliffeqarfinnut, inuussutissarsionermut atatillugu nioqqutissanik kiffartuussinernillu tunniussisumut atuutinngilaq. Soorlu suliffeqarfiit, namminneq nittartakkamikkut imaluunniit qarasaasiakkut attaveqatigiittarfiit allat aqputigalugit nioqqutissanik kiffartuussinernillu tuniniaasut pisiaqartullu, tamatumani isertitat suliffeqarfinmi nalinginnaasumik ingerlatsinermi isertitanut ilaassammata, taamaasillutillu akileraartarnermut inatsimmi nalinginnaasumik uppersaatinut piumasaqaatinut ilaassammata atuutinngilaq.

Avataani alla sullissinermik, assersuutigalugu angallassinermik imaluunniit attartortitsinermik, allagarsiinikkut assigisaatigulluunniit akunermiliussisoq, tamatumunnga atatillugu kiffartuussinermik imaluunniit tamatumunnga akiliinermut peqataanngitsoq, paasissutissiisariaqarnermut aamma ilaanngilaq.

Imm. 3-mut

Imm. 3-mi aalajangersakkami, Naalakkersuisut nalunaarutikkut ilaatigut paasissutissiinissamik pisussaaffimmut allanik, matuma ataani paasissutissat qanoq isikkoqartillugit tunniunneqarnissaannik piumasaqaateqarnissaannut aalajangersarneqarpoq.

§ 2-mut

Inatsisartut inatsisaat 1. januar 2023-mi atuutilersinneqassasoq siunnersuutigineqarpoq.

Ilanngussaq 1

Inatsisissatut siunnersuut inatsimmut atuuttumut sanilliullugu	
<i>Oqaaseqaat atuuttoq</i>	<i>Inatsisissatut siunnersuut</i>
	§ 1
	<p>Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaanni nr. 12, 1. december 2021-mi allanngortinneqartumi, tulliuuttut allannguutigineqarput:</p>
	<p>1. § 33 f-ip kingorna ilanngunneqassaaq: ”§ 33 g. Qarasaasiakkut kiffartuussisarfikkoortumik tuniniaasartut kiisalu pisisartut akornanni attaveqartitsisoq akissarsianillu akunnermiliuttoq, akileraarutissat annertussusilernissaannut atugassanik ukiut tamaasa kaammattorneqarani akileraartarnermi ingerlatsivimmut sullissinerup imarisai pillugit, tassani ilanngullugit ateq, najugaq, akissarsianik, nioqqummik imaluunniit kiffartuussinermik tiguisup CPR imaluunniit CVR-nr.-a, akissarsiat ingerlateqqinneqartut annertussusaa kiisalu kontonormu, akissarsiat ikineqarfiat il.il. pillugit paasissutissiissaaq. <i>Imm. 2.</i> Imm. 1, nioqqutinik imaluunniit kiffartuussinernik sullissisoq taxacentraliuppat imaluunniit suliffeqarfik allaappat, sullissinermut atatillugu nammineq ateq imaluunniit nammineq aningaasartuutigalugu angallassinermik suliaqartartoq pineqarpat atuutissanngilaq. <i>Imm. 3.</i> Naalakkersuisut imm. 1 aamma 2 naapertorlugu paasissutissanik tunniussineq pillugu malittarisassanik sukumiinerusunik aalajangersaasinnaapput.”</p>
	§ 2
	<p>Inatsisartut inatsisaat ulloq 1. januar 2023 atuutilissaaq.</p>

Ilanngussaq 2**Tusarniaanermut allakkiaq**

Tusarniaareernerup kingorna Kommuneqarfik Sermersuumit, Qeqqata Kommunianit, Sulisitsisunit, Naalakkersuisut Siulittaasuata Naalakkersuisoqarfianit, Aalisarnermut Piniarnermullu Naalakkersuisoqarfimmit, Peqqissutsimut Naalakkersuisoqarfimmit kiisalu Ineqarnermut Attaveqaqatigiinnermullu Naalakkersuisoqarfimmit tusarniaanermut akissutinik tigusaqartoqarpoq. Tusarniaanermut akissutit naapertuunnerit ilanngunneqarput.

Tulliuttuni avataanut tusarniaanermi akissutit tiguneqartut suliarineqarput. Tusarniaanermut akissutit uingasumik allanneqarnerat, tusarniaanermullu akissutit naapertuunnerinik naliliineq tunngavigalugu issuaavigineqarnerat maluginiaqquneqarpoq.

Kommuneqarfik Sermersooq, Qeqqata Kommunianit, Sulisitsisut, Aalisarnermut Piniarnermullu Naalakkersuisoqarfik, Peqqissutsimut Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik siunnersuummut tunngasunik oqaatigisassaqqanngillat.

Naalakkersuisut Siulittaasuata Naalakkersuisoqarfianit tusarniaanermut akissut:

Kikkut siunissami aalajangersakkanut ilaatinneqassanersut nassuiaatini nalinginnaasuni itisilerneqarnissaa Naalakkersuisut Siulittaasuata Naalakkersuisoqarfiata siunnersuutigaa.

Nassuiaatit nalinginnaasut naapertorlugit siunnersuut pisortanut ukiuni marlunni 1 mio. kr.-t missaannik aningaasartuuteqarnermik nassataqassasoq. Aningaasartuut iluaqtsiisumik akileraarutitigut isertitaqarnerussutinut - akileraarutitigulluunniit isertitatigut annaasanut, maanna malittarisassat naapertorlugit missingerneqartumut sanilliunneqarsinnaavoq.

Aalajangersakkap atuuffissaa nassuiaatini erseqqissarniarneqarpoq, niuernerminni ingerlatsivik ineriartortoq, taamaalillunilu akileraarusiisarnikkut ajornartorsiuteqarfiit siusinnerusukkat malittarisassiuunneqarsimanngitsut pineqarnerat eqqumaffiginiarneqarmat. Kingorna ilaatigut immikkoortumi nunat tamat akornanni ineriartorneq malillugu malittarisassat nalimmassarneqarnissaat pisariaqalersinnaavoq. Akileraarutitigut isertitat annertussusissaat ukiuni aggersuni akileraarutinut akiliutissat aalajangersarneqarneranni nalorninartunut sillimmatini iluanneereernerat, nassuiaatini nalinginnaasuni allassimavoq.

Inatsisissatut siunnersuut paasissutissanik tunniussisussaataanerup atulersinneqarneranut atatillugu, tassani qarasaasiatigut atortorissaarutit pioreersut nalimmassarneqarnerannut kiisalu paasissutissat pissarsiarineqartut naammaginartumik pitsaassuseqarnerannik qularnaarinnermut atatillugu isumalluutinik atuineq ilanngullugit aningaasartuuteqarnerulersitsisussatut missingerneqarpoq.

Ungasinnerusoq isigalugu inunnut allanut tunngasunik nunat tamat akornanni paasissutissanik paarlaateqatigiittarnerup annertusiartornera ilutigalugu aningaasartuutit annertusinissaat ilimagineqartariaqarpoq.